

## *Romani legenda e phirne Manoleske*<sup>30</sup>

Isine ekh vakwti deshoduy phrala maystorya – e phrutya kay kerena. O nay-baro phral sine usta Manoli, kay dolas o planya e phrutengoro.

Astardile akana, upral ki Struma prut te kerena. Lachhes, ama o divo o phrutya kerena, i rat perela. Ekh rat ko nay-baro phral o Manoli, suno alo leske, kay mangela i phrut kurbanani manushestar. E phral phuchen les, sar nay-baro:

– Phrala, soske amari phrut perol?

– Kay phrut i mangyol kurbanani manushestar! Garaven tumare rotnendar! – vakerdas lenge ov. – Anen te dikhas koya bori tasya anglal. I avel pe romeske koshlukos te anel. La ka thovas ande temelya.

I rat sa o phrala phende pe romnenge te na anen koshlukos ki bu. O hurdo phral garavyas saro o garaybe. Na phenlyas pe romnyake Meglenake.

Ushtindili i Meglena rano sabalen, avrya shulavyas, shudre pan pheryas o khore, koshlukos keryas, hurde chhaves nanyaryas, oy nanili, oy abdezi lilyas. Tsidiyas e tepsiyasa pe romeske koshlukos dol. Dikhlyas la lako rom o dural. Em rovel, em molinol pes ko Dovo.

– Phude Devla ekh sani balval, te peravol e Meglenakiri tepsiya, na avol, ta na achhol kurbanani ko temelya!

Ali i Meglena ki prut. Astardela e phrala i thovde e Meglena ko temelya. Em rovena, em zidinena. Phenlyas peske i Meglena, kay si hohaiq ama iklistilo chaches. Vakerzhas pe romeske:

– Mange ulo hramome avdiyes te zha mange katar! Thoven man an ptutyakere temelya! Isi man ekh dova karig Devleste! – I astargyas molinel pes: – Mukh roma mi chuchi avral. Kana ka rovol mo mru chhavo, te piyol thudoro thay te sovol! Devla, molinav man tuke, ka brishim del – te nanyarel me chhaves! Kana balval phudel – te shukya: les. Dikh me chhaves, Devla!

Lile e phrala, zidinde e Meglena ando prutyakoro temeli. I ker les. I prut achhili lachhi.

---

<sup>30</sup> **Kameliya Stoyanova Dzhevizova.** Byandili 13.06.1945 bersh ko Petrich. Ko Petrich voy zhivinela otsar byandidli. Vakerel kay si erlika, myusyulmanka. Akana pensionirime nasvalipnastar. Kerdyas buti ko “Tyutyuneva promishlenost” – Petrich. Isi la IV klas. Ko mahala zhanena la sar Buba.